



FAMTA UPA SELKHOJAM CHANCHIN



Upa Selkhojam hi Pu Siakthang leh Pi Nengzating te chapa upapen a hi. 1936 kum in Maite khua a piang a 1946 Ku khan Leisang khuan a pmlut. Kum 1963 Sept. 25 nin Pi Thangi d/o Pu Thangchawla leh Pi Darzami of Sertlangpui Mizoram tawh a kicheng ui. 1967 kum in Lamka in a hung chenglut a, R.C.G. kochuam in a lawi hi. Chun, March 23, 1981 in R.C.G Khawmpui chun Kochuam upa dingin Rev. Neihau in a la ordain hi. 2001 Kumin MPCs Lamka Kochuam in a lawi a, Kum 12 sung Salem Veng ah a chen nung in Leisang khuan a pmlut hi.

Upa Selkhojam hi Kochuam nasemtu pakchat um tak a hia, Bial Standing Committee Member, Presbytery Standing Committee Member leh Nomination Committee member inle a la pang hi.

Kum 2019 December tha apat khan damloin Imphal lam ah etkawl a hi zing lain damzo taloin December 30, 2019 (Monday) zan a khan a khawvel hinkhua a nusia tai. Inlam Programme Rev. Jerry Zoliansanga, Bialtu Pastor in a mang a, Biak In lamin Up B.T. Khampu, Lamka North Presbytery Moderator in a mang hi. Lamka Kochuam Lapawl ten Pathian chawihawina la sa in thakliam ahi. Chun, Leisang thanmual ah Rev. K. Lal in vuina programme a mang a, it mama kawm in thakliam a la hi tai.

Report petu
S/d-
(T/UPA GOUSUANLAL)
Secretary
Lamka Kochuam



PATHIAN GAM

(New Normal leh New Order apat thilna)

Mark 10:42-45

1. Thumapui Lockdown la a kichai ziang thei pua, positive la apung deu deu ah, Hinnavak mangcha chanchinpha ki zilsakna lam ahin lungthim al ape tam mai hi tiu. Tuchung ahin i khawvel matlai uh tawh kituak ahin Pathian gam a chet zawk diak thei na ding in New Normal leh New Order atiu hi tawh enkai leu hen ti ihi. Kochuam Upa khatin Sappau matlo ding atiu hi chu pha kasa puai, hung mang zel unla, hung hilchian zel leu chun eile azil ki himai atia. A lelin ka thiamlo tawh upapa thugen chuh lemchang san hun mang deu mai ding ka hi.

Edward Saied chun, *Thuzik zosia hi a hunlai thiltung leh politics tawh a ki zauw tei sek hi* ati gual in Corona khawvel ah paukam kimang te haw hile i thil ua ahileh ahun tawh kituak ah chuleh ziaknei ah hung kimang ahi chiat ui. Pathian gam chu tulai ah New Normal ati teu, New Order ati teu hi tawh banggual kizawpna a nei dia aw. Jesu'n kum 2000 liamta ah Pathian gam chu la lak un a hung tung tai ati kha banggual gam hiin i hethiam uh em? Ei unle zilchiang ah eimau huapkhak sung ah Pathian gam dinthak chu a ngai ta ahi.

2. New Normal New normal ti paukam hi 2007-2008 vel ah khawvel in economic puksiatna huaise tak a tuak lai ah hung piang ahia, China gam ah Xi Jinping General Secretary of Communist Party of China ahi lai 2015 a khan China chu new normal ah ka lut tau ati na apat hung ki mang lar to ahi. WHO chun coronavirus buaruak ahin mihing hindan kitheng gen nan ahung mang tau ahi. A umzia tak chu gamsung sum leh pai dinmun se zota kha a pangai in ka chiakit tau ti ngam chetlo, maleh pangai dan thak ka zildawk ua zia chun ka chia tau atina hin aki lang hi.

Post Corona hun ding ngaitua a chun politics a kigawl lo thei pua, kua ngaidan (ideology) mang ah khawsa ding i hi tau em ti hi ahi. Kum 2014 vel apat new normal hung ki mang nasa hi China ngaidan ahi deu hi. Tulaiin China hin WHO a thunun bawka, hunin a puakdaw chu um ding ahi. Muk kituama, social distancing ibawl zing lai ua hin khawvel hi new order ah lutzel gual ihu. Tu hinle mithiam te chun Coronavirus tawh chenkawm dan kizil ngai ding ahi a ti tau ahi. Coronavirus tawh i chenkawm ding ualeh zia dan leh mualte hi zuito ngai ding tina ahi mai hi.

Corona in khawtang hinkhua idam chiat theina ding ah new normal dan ei siampiak ahin kochuam hile a sukha lo thei pua, Pathian be ding ah zing leh zan ah lim tak ah Biakin izawt lai teu kha malai a chang zota. Mi zosia tawh ki pawlthei ah, chibai hawm fel ma ma, uleh nau kantha pei, siatni phatni ah a tung masa pen tite ngaisan na kha akiam hiai hiai ah, mi tamtak chun mawl zia danin ei ngai

piak tau. Mipi Pathian Biakna panglo kikhawmpi matdan izil thiamkit tau hi. Tulai hinkhua a chun Individualism atiu Western life kha mi khawhe kisa deu te chun new normal ati tau. Midang tawh iki zawp nau pipen chu i phone uh ahi ta, Pathian thugen nate, ngaithak nate, gual pawl nate, vanchawk nate, van zawk nate leh paisa khawl na bank ahi tai.

Zia gual hinkhua hi imat to zel ualeh Corona zaw khawvel hi banggual in a hung um ta diam ti leh corona chu abei tak tak ding gingchalo ten corona tawh hinkhawp dan kizil hi tiu ati lai ua hin, kochuam ten bang i bawl ding uh ahi ta diam? Malai ah Pathian ibiak dan leh Pathian na isep dan ua i chia thei taklo zia kua chanchinpha chu kichawl mai ding a hi ta diam?

3. New Order I khawtang kipuak dan (system) genna mat ahi. Khawvel hi bang order ah chia sek hi in ihiau em? Kum 1990 malam akhan super power pani capitalism (USA) leh socialism (USSR) chia kawp sek kha ahia. USSR



FAMTA UPA LAMNEITHANG KUM - 66



Famta Upa. Lamneithang hi Upa (L) Lalzakhm chate lak ah pa 9 na ahin. Kum 1954 April 11 ni'n M.Vawkbual khuan apiang a, suapi hi pawsal 12 leh numei 8 ahiau. Ama hi 1978, 27th June in Indian Army Assam Regiment in a lut ah, 1st August 1994 kum in ahung pension tai. 13th September 1988 kum in Pi Ngaineikim tawh akicheng ui. Pathian malsawm na gil a ga chapa ni leh chanu 1 anei ui. Kum 2011 in Joint Presbytery Moderator Rev. Biak Sailova khut in Upa Ordination alai, 2018 kum in D.Phailian Bial Chairman ala tun, Ama hi mi pawimo tak ahin, a umna Kochuam ah Secretary, Treasurer, Asst. Secretary, Finance ho le a pang jing in Bethany Kochuam kiphudaw hun ah Kochuam Chairman masapen le ahi.

Tudinmun ahin Bial ah Synod Treasurer leh a umna Kochuam ah Chairman hilai a hi. Ama hi (Thrombotic Thrombocytopenic Purpura) (TTP) natna anei zia k in tank 22nd June 2020 ni'n District Hospital in admit ahin, Little Clinic Imphal ah refer ahikit in, zia pat ah chun Shija Hospital ah refer ahikit in, himaleh phatchuam lam manawt lo in. Dt. 1st July, 2020 ni'n Kumtuang gam ei zawt san tai. Zia ni hin Lockdown um zia k in Biakin programme pen hi inmun ah mat ahi. Vuina : Upa S.Tinlal Moderator Lamka South Presbytery in hun amang a, Lapawl- Bial lapawl ten thak na'n lapawl lem in, thanlam ah Rev Lalremliana Colney Bialtu Pastor in vuina hun mang in Kochuam ten khela tak in vuiliam a hi.

UPA NGULLIANMANG,
Bethany Kochuam Ziaktu

THU LAKKHAWM

P.Thianzawl Biak in Hawn na: Date 5/7/20 chun P.Thianzawl MPCs Biak in chu Lalpa lopi na ding in Rev. Thangneipau Imphal Pastor Bialtu in Pa leh Chapa leh Thagau Thiangtho min in hawna ala nei tai. Covid-19/ Lockdown ziak in mipi tamlo cha kikhawm in prog. lawting tak ah mat ahi.

Zia ni mama hin P.Thianzawl Br Church chu pitinga lan kai ahi. Moderator Phaipi Presbytery Upa D.Siaklam in puitu hina leh Thiampu hina la in piting lan kai na mat ahi. Phaipi Presbytery Secretay Upa Tinliankham in kochuam thusim gen lat na leh Apostle thugin simthak na mapui in Upa AL Thanga in malzawl pauchap na anei hi.

Biak in sak na panpi na kimute: 1) Manipur Area- 4 lac, 2) Imphal pastor Bial - 2 lac , 3) Newlambulane kochuam-pulpit leh Maicham @ 3 lac aprox. chuleh mimal a thilpiak tampi le aki dawng bawh hi. P.Thianzawl KNP ten Bawng 10 fundraise na mat ahi, chuleh kochuam mipi sum lawna Thakuan tite leh thil chuam chuama fundraise bawl ala hi.

Pending: Biak in hi lutna nei hita maleh siam zolo aum nalai hi. 1) wall plaster (inside), 2) cyling , 3) electricfication. Lpa lopi zing ta hen. Amen. ----- T/ Upa St. Damlian Vaiphei

ahung keksiat phat akhan George Bush in *New World Order siam ding ka hui* a hung ti tak kha. Bretton woods Trio ti ah ihiat uh World Trade Organization, World Bank leh International Monetary Fund te kha USA nuai ah um chiat ahiua. India government inle 1991 LGP model mangin order thak Liberalization, Globalization leh Privatization mangin New Economic Policy ahung la lut ua, zia hi India gama economy kithen danglam nasat pen hun ahi kiti ahi kha. Richard A Hostly in azik a lekhabu, *Jesus and Empire* a chun America gam lopi tak in New World Order siam ding ka hui ati hi New World disorder zawk a siam ui ati ahi. Zia umzia chu khawvel chiadan pangai kha tawh a dan thak siam uhi a kilebul hi tina ahi.

LGP nuai ahin Globalization (*khawvel huapzawna*) hin i hinkhuau a khawi danglam nasa diak hin ka he. Khawvel hi ki daidanna um talo, bangkim kikawp vek theita dan in hun ila mang bawh uh ahi. Globalization hin ei thingtang mite tiangle ei

dawmkang nasa ma ma hi. Nidang lai ah Culcut Shillong ati ualeh manglam bang ziang kha naupangte khawlai lenna ahung chang ta ahi. Pathian thu leh bible hi changkan san in icha leh nau teu hawle in ah um peile um taloin khawpi lam a del zo tau ahi. Zia gual ah khawpi lam ngen i zawt sau sau uhi urbanization ala ti kit uh ahi.

4. Pathian gam Pathian gam chu new normal diktak chu ahia, ei uh ngaidan hi keilo maleh Pathian gam chia dan thak new order aum bawh hi. Pathian gam a chun agent ngailoin eima ngei ilut thei h hi.

Pathian gam hi New Normal diktak chu ahi. KFC leh hotel changkang zosia akikhak nungin thingtang me chaw dingin line ah iki tiang uh ahi kha, ziahin ihîna diktak ua kilekit dingin ei siam ahi. Lalpa Jesu ngei khanle Rom sorkal order tawh kilebul Pathian lalgam kha adin ahi kha.

Khawvel chiadan pangai ah Synod chun kochuam lian zaw ten kochuam neu zaw leh haksa zaw te kithuapi ding ti

abuaipi laiin, ale lam takin tanggam lam apatin khawpi sung lamte me ding ahung thawtsuk ua lungawi takin ime uh ahi. Covid 19 in a suksiat nung khawvel ah Pathian gam idinthakkit ding uh chu Lal Jesun ala din tak Pathian gam kha ahi ding ahi. Thagau mite chun lalgam kilebul ala ti hial uh ahi. Zia hi America mithiam in New World disorder tia ala vua khatawh a kituak hin ka hai.

Pathian gam hi new order diktak chu ahi. Coronavirus hin globalization policy kha mattheilo a hung suaksak hi. Tuchung buaruak ahin globalization in ahin daw urbanization (khawpi kekletna lam) hile a hung lebul ahi. Migrant workers te a hung kilekit sau sau ua hin khawpi lian lian bel hi bitna pen ahi ta puai ti a sulang kit hi. America miten America, India miten India a zuan ua, Lamka miten le Lamka ahung zuan uh ahi kha. Coronavirus hin malai hinkhua ah kilekit dingin cham loin ei siam uh ahi. New normal hinkhua mang ah new order nuai ah ei khum in, i lekha zil lai uale ala kimang

khalo sappau quarantine centre ah ei khumlut bep hilo in lockdown ei puan khum kit nalai uh ahi. Ni dang ah ganhing, vachano te a bawm ah khum ching sekte khan Lockup hi chu ila he zing ah, tuchung ahin lockdown hi practical in izil uh ahi.

Khawvel ahin lalgam tampi ala liam tai, maleh Jesu hunlai lalgam chu Rome lalgam kha ahia, Pathian thu isim nau khan *Gentile te chung ah vaihawmtu ding kiguat te chu achung un alal ma ma sek un, amilian teu chun achung un thu anei ma ma sek ui ti la hiau hi. Nang haw lakin vang zia gual chu ahilo ding ahi, kuale la lak ua lianpen hi ding chu, la suak ua aum phot diu ahi.*

A hunlai ah Rome solkar leh a kikal ua agents te kha a buaium pen chu ahiau. A ki lalsak ua, sorkal leh mipi te kikal in diklo takin vai ahawm sek uh ahi. Zia hunlai ah Rome sorkal order chu lebulin Lal Jesu tundaw lalgam achun alianpen chu aneu pen in apang ding ahi. A ziak chu ama Jesu ngei khale, *Mihing chapa*

mite haw hile thingtang ah hung um ut intin uh, i kitodel phawt ua leh khawi tak ah chun um leuhin le khawsa thei him him ding i hui. Thaichi kilo thak daw ziakin khawpi ah umte hung lut zung zung intin, thingtang lamah *gari* tai hung tam intin, Kochuamte thilpiak hung pung intin, naupangte *School* hawi tak tak in hung kai thei ta'ntin uh, Khristian hi chu hung thatnawp um deu deu ziang ding a hi. Zia lam a hi i hung khatlaw thak ua, pan i lak thaklo uh a hi chun ei uh a dingah dindawna ding lampi hi haksa ma ma ding a hi.

8. Khaikhawmna

Zia thiam zilna chi chuam chuamte, sumkawveina chi chuam chuamte, khut nasep theina ding chi chuam chuamte i taklatte hi Pathian thu tawh kizawpmat vek a hui a. Khristian i hi chun i hinna'u ah det tak ah bekdên ziang dingte chu a hui. Sêm lo ah nêk mu

guat ahem, a lâwk mu guat ahem hi Bible in bangmatik in a genpha kha pua, gim leh châwl tak ah sêm dingah tâlkhona thu vâng a gen tam hi. Gim leh chawl takah na sêm chiat chiat le lemhia leh lemhelo kikâl a kikâk ma ma sek a. Umzia nei takah kiziltâl dingah CKKP in pan a hung lâk hi ka kipak ma ma hi. Zilna lam hi henla, khut nasep hi'n, bang nasepna lam hi ziang taleh le, taima tak in, ginum takin sêm leuhin, i nam leh i kochuam a dingah dindaw theina hung hi ngei in a. Solomon chun, "Thâtana khut in châtgana a tun in, himaleh, mi taima khut in hausakna a tun sek hi" a tia (Thupilte 10:4); "Mi taima khut chun vaihawmna chawi intin; mi zawmthaw chu engbawl ah na sepsak hi'n a" (Thupilte 12:24) a ti kit hi. Mi taima te lopina leh pâkchatna chu ziagual hin a taklang bawh hi: "Mi khutthiam taima la mu kha em? Ama chun lengte na sep piak intin, mi vantângte na sêm ngai pu'a'n a" (Thupilte 22:29)

un, khanglo ta'itui, pan la thak hitiu! **Midangte nuai ah um ding mâwng ah Pathianin ei siam hilo i hiu** ti kihia in, i kal uh sep pan hitiu.

c) Thingtang gam ah nêk hawl dan then danglam a ngâi hi: Nidanglai ah chun inkuan member piting zosia'n gamlak ah nâ sep a hi sek a. Inkuan tam deute chun bu, *tin* 4/5 mun ding Lo nei in, nêk ding chu a kikhawphamat thei sek u'i. Gam a hung buai a, inkuan member-te chu hung kikhenjak in, khawpi sungah mi In lua ah hung pawl tawh, thingtang ah nasem dingah um pawl tawh, i hung um khen tau a. Mun khat ah umkhawm a, thâ i thawkhawm thei lai ah bu *tin* 4/5 mun nei theite khan bu *tin* 1/2 mun ding vel bep a hung nei thei tau a; thingtang lam ah umte'n khawpi ah umte a hung chawp uh a ngâi nalai a, sepdaw lah tawm zaw ta, khawsak a hung haksa zaw diak ma ma ta a hi. Thingtang apat

khawpi ah hung umte chun kicheina thil te, nêk leh dawn te a hung hiatbe zel ua, vâk lumletna dingah *babara* te a hung pawimaw a, sum senna ding a hung tam deu deu hi. I ngaitua ditdet chun, tu tiang tiang a hi bangtidan ah kidam dam thei a hi diam ti bailam tak a hi.

Huan ah thâichi ching in, zia ah kipat chun khawpi ah umte châwm hitiu. Pathian in thingtang dung ahin gam pha tak ei pia, khua lum leh vawt thu inle a hun chet ei pia, gawtui leh nisa a hun tak ei pia'i. Mun tam tak ah chun i chîn uh le hilo in, sâpthei a hung kek a; mâwt, samphawk, kawlbui te chîn theina ding ngen gam in i cheng ua. I ut pen pen uhi têt in, ei insung kivâkna ding bep hilo, a khawpi him him hi châwm (*supply*) zo ding in a lei bawl ta leuhin, a lâwkna le mu pai ziang thei ding thil ngen a hi ti ka gingcha'i. Ziagual ah chun bul hung pan fu leuhin khawpi sungah

hial hile miten ama na aseppiak ding ua hung abi puai; mi nasep piak ding leh mi tamtak tatna ding ah abinna pe ding ah hung abi zawi ati ahi kha.

Pathian gam chu agent ngai loin ilua ngal thei ui. Agent panglo lalgam achun Jesu thugen, *Nang uh gentheite haw, mi hampha la hiu; Pathian gam chu nang mau â abi ngalin.* Migentheih leh vangam kikal ahin agent um angai talo ahi. Zia hi agents panglo Pathian tawh kizawp mai chu ahi tai. Lal Jesu din Pathian gam chu ei unle iumna mun chiat ua hin siam ding ah pan ilak uh ngai hilo ahem?

5. Thukhakna Corona pandemic zaw khawvel ahin, corona um masang ah Pathian kochuam i etkawl gual mau akha etkawl iguat ualeh zo talo ding ihui. Aziak chu new normal leh new order te hin i church order uh le ei then danglam piak ta dingin akilang hi. Maleh, Lal Jesu gen gual ah Pathian gam policy kha i namat ua ahi chun Pathian kochuam hi mithi khawkul kawtkhak inle anan zaw

guallo ah thil hithei ahi ziakin, gam lazel ding ihui. Lalpan hunthak ei puitung tawh kitawn in matchak hile athak zel, Lal Jesu â ngei kha mangin pan lathak hi tiu.

Corona zaw khawvel a chun Pathian nasemtu chun Krista zala kochuamte suak ahi zia aki hetchian ma ma ngai ding ahi (1 Kor. 4:5-6). Lal leh thunei taka vaihawmna mawl mang ahin chu gamla zo khel puai tiu. A lian pen hi nuam chu suak ah aum phawt ngai ding ahi. A pawimaw chun imite â ding ah hinna piak ngam ngai ding ahi.

Corona zaw khawvel a chun Pathian gam lut thei na ding a hin palai ngailo (Broker less society) buaruak siam iguat ding uh ngai ahi. Tuni tiang ah pastor ahem upa ahem aumlo leh Pathian awilo bang ziang, pastorpa umna fel ma ma gingtu te hi amau ngen ah le Krista â dinga thingam, van kawt chabi kengtu hi ding ah siam daw hi tuni ah Pathian nasemtu ten i thiltup ua kawi angai ahi.

“HAKSATNA KÂL AH THAMUANNA”

-Upa Kaikhokam Vaiphei
Jubilee Kochuam

CHANGTEL:

1. **Sam 91 : 3,6,10** *“Ama’n thâng ah kipat leh thi theina hipi lak in, hun hukhing ding ah ngal in;...thim nuai ah hî leng lau puân la tin, sunchang lai ah siatna chule lau diak puân la...la chung ah thil phalo tung puân tin, siatna’n le la chênna hun naipuân a.”*
2. **Johan 16 : 33** *“Keima ah thamuanna la neitheina ding un, zia thute hi ka hun hil la hiu. Khawvel ah hin gim genthei thuak in lau. Himaleh, thamuang tak in um un; keima’n khawvel ka zo tai”.*

Lalpa’n zia article sau lo cha ama thu pansan ah a hun tawh kituak ah zîk thei ding ah ei pui zia in lopina Ama I pe masa a hi. COVID-19 leh khawvel pumpi huap ah hileng dangte hi chipchial deu ah sui ut um maleh, a chom lam in Pathian thu tawh ki zom in chomcha vak en khawm hitiu.

Khawvel khangthu sim in I et leh kum 50 le ti puai tiu, kum 10 dan zel in khawvel mun chuam chuam in Natpi/Hipi hi a la tung gual in a kilang hi. Zia a la tung ta te khenkhat chu Black Death/ Bubonic Plaque, Zika Virus, Ebola, SARS, AIDS, MERS, Bird flu H1N1 leh adang dang te hih a hi deu hi.

Zia a la tung ta sa te amun, ahun leh agam, a vei leh athi zât sui lo in, a la tungsa te hi khawvel pumpi phial huap chet lo, gam khenkhat bik deu sung ah tung ahiziak in, ‘Epidemic’, ti a hisek hi. Tu hun ah Natpi tungpen, Corona Virus (COVID-19) , bangchan a dai nalai diam ti le I hêt nailo hi, World Health Organization (WHO), United Nations

kit u’i. Ziate haw hin i sum leh pâi te’u hi a kihualut zung zung ziang uh a hi. A gam lam ua a insung mite’u chawpna dingin a thawtdawk zung zung ua, a sum mute’u apat Pathian Gam thawlawm a hung pelut hial pu’a u, i ngaitua thûk a hi chun lungthim a na ngawi ngawi sek hi. Khanglaite i khatlaw’u a hun takzet ta’i! I imut kâl ua ei hung bulu hiau uh a hi pen hi. Mi pangai â dingin nasep hi thil zachak um a hi kêi pu’a i. Cement mistiri nâ haw hi khanglaite hin titakzet in sêm ma tiam un, kawlte sangin le hung thiamzaw ngei ding la hiu. Bangma nâ sêmlo, nu leh pa, têsia, i sangah hâtlo zawte sep dawsa mang ah kichei sekte haw hi mi ho, musitum tak a hiu. Kawl mistiri te khutnuai ah, mitthi pum pum ah, ut leh utlo thu hilo ah i va kilaw’u a hung ngâi pan pan ta a hi. Amau khutnuai ah i va kilaw’u a hi chun, kawl mimawl, lekha thiamlo te hin ei hung hânkhum zial zial

mai ding ei veu. Sawlchak Paul in, “Kret mite hi zuauthei chîng zingte, gamsa gilo tawhbang leh mi thabei, an nêk hâtte a hiu” (Tita 1:12) a tite gual kha vang hi gaw pu’ituu.

Zia dawr chuam chuam – sam mêtna, nêkthei zawkna, hardware dawr, puanthân dawr etc. te hi lâwklo henla hileh, zia i umna gam uh, gam buai lak ahin kawlte haw hi hung lut lut ziang puân au. Kivâkna thei a hi ti a hiat zia kun, mun gamla tak tak apat in, haksatna tampi um maleh, a hung zuan tûn tûn mai uh a hi. ***Ei uh Kochuam khanglai te dawr hi zaw leh aw...*** ka ti vawng vawng sek hi. Beauty Parlour, Puankhuina dawr, cosmetic dawr etc. te hi i nungakte’u inle a bawl thei uh hi vek a hi. Ziate bep hi hilo, kivakna leh sum muna dingah kingakna thei thil dang tampi a um hi. Sawlkar nâ bep hin chu mihing zosia sep theina ding a um thei pu’a i, hung

- a) **Zilna lam ah:** India gam State pakhat ah nam neu (*Minority*) te chu a nam uh dindawkna dingin zilna lamin nasa takin a kitil sek u'i. Thagum thaw a, thisan sua ding sangin thiam zilna lamah pan la dingin a khanglaite'u chu a til zing sek u'i. A khanglaiteu chu dan takleh sawlkar department chuam chuam ah officer lian hung hi thei dingin a kihil ua, Central Service chi chuam chuamte bep hilo in, State sungah officer lian post chi chuam chuamte hung lua thei dingin a kihil zing sek u'i. Nam lian kisa te chun panlak nachang a he pua'u a, thagum leh vaulauna te mangin kichunglap sek maleu dan takleh nam neu zaw te khan amau chungah thu hung nei pai ziang thei ding dan a hi. Manipur Area huap sungah Kochuam member-te hi le khanglo in, kihil sau sau ta leuhin, dan takleh nam tawmcha te hin i hung awpkhawm vek thei kha maithei u'i.
- b) **Nasep ngaikhawk a pawimaw'i:** Nasep lama hinle zil ding i hau khawpmai u'i. Bihar ah kum 6 missionary-in ka um a, Bihari-te chun zingkal lam dak 11 masang in dawr a hawng ngai pua'u hi. India gam state chuam chuam ah kawl i tite'u zosia hi ziagual chu a hi deu vek u'i. Manipur-in a hung ua, a sumkawlvei dan uh (*work culture*) a hung theng danglam ta vek ua, **Economic War** a hung puang uh a hi pen in ka hia'i. Zingkal dak 6 git masang in (ei uh khanglaite a imut thut thut lai un) dawr a hawng ua, nitak lamah dawr khak nunung pen in a pang kit nalai ua, a *working hour* uh hi a tam chuam ma ma ziang hi. *Gari* neu mangah dawr van zuak ah tai vel taphawt hi Manipur mi hilo, gam dang apat hungte a hi deu vek kit u'i. Khawpi sung bep in a tai pua'u a, thingtang khua, mun gamla tak tak tiangin, nisa, gaw nuai dai nuai in, kum tung kei in a tai pei

Organization te damtheina lam enkawltu bak lianpen chun, 11 March 2020 ni in, Novel-Coronavirus min sak in, khawvel pumpi zelsuak thei natna a hi zia in, "Global Pandemic" ti'n a hun puang dawk bep ui. Zia natna hi October 2019 vel apat ah China gam ah Wuhan khawpi apat hung kipan hiding ah gam tamzaw te ginchak a hi. Tu dinmun in, WHO te'n le Fact Finding Team siam in a suichian dingin a sawl laitak uh a hi. A kipat ah kipat tu July 2020 tha kim tiang in (zia article ki zik hun tiang in) khawvel pumpi ah zia hipi vei crore khat leh a kim vel leh zia hipi zia a thi chu lakh guk phial atung tai. Ei gam (India) sung ngei ale a vei himhim lakh kua leh a kim vel apha ta, a thi le sing ni leh sang nga a pha ta a hi.

2020 AD kum hi, 21st century a ding in, tuni tiang in, kum 50/100 dan ah Natural Disaster te lak in linling, tuilet, natna hipi, lei kitawl leh a dang dang zia gual a huaisia siatna a tung

kha ngai nailo haw a tung tam ma ma tai. Mi tamtak in kum 2020 kum bul a pat I sepding leh bawl daw ding ah I la ngaitua leh getuak sa, Pathian kiang ah le I la lat daw sa uh haw le a la um ngei ding in ka gingchai. Tuhin chu, ei lei mihing te ngaitua masak leh guanggal masak sa zosia bangma a hilo dan a chian ma ma hi. I Bible in "...a chung ua patauna leh, dip dapna phutlo in ka tunsak tai" (Jeremiah 15:8) ah a gen gual in. Mihiam te guanggalna leh suangtuana hi, Pathian mitmu ah, bangma a hi lo dan, a neu dan, het khamlo ahi dan, mihing pilna, thiam na leh thei na bangmalo ahi dan hi chu aw! Chuleh, numei, pawsal, be leh phung, chi leh nam, mi genthei leh mi nei nung te, mi lian leh lal te khen chuam nei kei lo ah, telchuam /dawi chuam nei lo Pathian a hina tuchung Covid-19 hin a sulang ma ma hi. Pathian hetlo ah thiltung umlo a hi zia in.

Pilna leh thiamna mang ah kibawldawk galvan

thupi taktak - missiles hat taktak te, nuclear/atom bomb leh hydrogen bomb te mang a superpower gam lian taktak ten, a suktân thei uh hi leh, zia COVID-19 hi sukbei ala hita ngei in a. “Pathian ngolna pen le mihingte pilna sâng in a pilzaw’n, Pathian hat lona pen le mihingte hatna sâng in a hatzaw nalai hi” (1 Korinth 1 : 25) ti’in ei gen tangal a. Unau te haw, thil zosia kipatna, Neitu, Siamtu leh Bangkim hetu chu, zia haksatna leh beidawna kâl ahin, thamuan na I nei thei na ding un kinga phawt mai hi tiu. Khawvel leisiat chung ah thil um te zosia hi “...Ama ah kipat leh ama zia leh, ama â ding ah thil zosia hung um ahi ngal ah...” (Romte 11 : 36).

I Bible in a gen gual in , Ka gam a naitak leh, kido thu leh kido thuthang I hiatteu, lânling huaisia I muh leh hiatteu, khawvel mun chuam chuam ah kial tun dante leh adang dang agen te hi a tung suak phial ei tai. Gam khat leh gam

khat ki chou tua dân te, nam chuam leh nam chuam kido guat dân te, kidona nei zing gam te leh a ki singsa zingte’n matzaw lou ding gal thuam leh meichang a bawl dawteu hi I et in, khoitak mun apat kipan ding ti gen theilo ma le hin, kidopi thum na (World War III) hi chu hung tung hak ta pua’n ah. I Bible in ‘nauvei kipatna’ ati pen hi a tungta ahilo inle atung gua geigei hingei ding a hi.

Zia thil tung dingte Bible in ei gen gual in, zia natna hipi COVID -19 ngei hinle, tukum sung ah hun tam zaw te a ei subuai in, thil zosia sep leh bawl dingte, nasep ding te zosia hi a din cholsak a hi tai. Zia COVID -19 pandemic apat kiven thei na ding um sun ahileh, damdoi um nailo a hi zia in, mihing te a ding in I Inn chiat ah ki kul-khup (lockdown) chiat ding ti hi a hi. Pathian in zawnei Isai mangcha’n Judate hân la a la gen hi mang phachuam hitiu”...Hung un, ka mite haw, la pindan un lut unla, kot kikhak khum

ziang lehle a hung lawtin tak ua leh mi zosia ngaisân a hung hi sek ua, sawlkar inle muan tâk ah ngâi in nasepna pha leh sang tak takte a sep sak a, a chung un thil pawimaw tam tak a kinga sek hi. Tupgilna tawh haksatna tampi kha hung palheng peilo hileu chu zia mawpuakna leh za umna te hi le chang khel pua’n au. Himaleh, a hun lai ah haksatna’n a sukbeidawn zaw lo tupgilna lian tak a la nei zia un a hung lawting ta mai uh a hi.

6. Dawitêlna dik

Thiam zilna lampi chuam chuam ah chiate hin a chiana lampi’u ahin thil chi chuam chuam a tuak sek u’i. Dâwngma te zia kah buaina, *drugs* thil ah buaina, nawpçhenna thil chi chuam chuamte ah hun manpha tak mawk matchâi ziang seknate hi dawitêlna mang thiamlo te sulawsamtu a hi sek hi. Khanglai hung hi ta chun zia thepnate haw hi a hung tuak ta ngêi sek ua, himaleh, Khristian hin pha tak nei, a sunggil ua Pathian in lalna a channa te haw chun vang

ziagual thepnate haw hi a tuak phat ua leh a dik leh pha ding a khen thiam ua, têt ding dik tak chu a têt thei sek ua, a sunggil un thupukna dik a siam thei ua, a tâwikhial ngai pua’u hi.

7. Nam dinkhawsuakna dingin bang a hem i bawl ding uh?

Manipur ahin tribal nam chuam chuam hi i tam khawpmai ua, i tam dan (population) uh le a kikke thei khawpmai hi. Ngaw ding pen le um samlo in boruak phalo tak tak in ei tunkhum zing sek a, thisan sua leh kithâna hial a tun châng le a um sek hi. A nam a nam in, hausa kinei chiat in i um ua; kipumkhat ut leuhin le a law ding zia hia i um pua’u hi. Hitia hi i um tâk ngal uh a hi chun, nam chuam chuamte hi, a gûk in, ki-elna pha i nei uh a pawimaw ma ma hi. Zia chu dan takleh i bawn ua â dingah thilpha le hung hi ngei in a. *Education means all-round development* ti a hi kha, gen belap deu chu ngâi in a. I ki-elna dingua pawimaw diak khenkhat taklang talê’n:

sum leh pai sên a ngai inle gim leh châwl khawksa lo ah pang in a lawdawk ua, ama â dingah thilpha, a nek sik un a pia' u a. Ama châwmtu nu leh pa te chun insung mamaw thildang zosia sang in a zilna chu a ngâi pawimaw pen ua; nu leh pate chun genthei takah khawsa'n, semgim sek ma ma leule, a duchâk uh haw ne ngamlo khawp hialin a chate' u mamaw a ngâi pawimaw masa sek uh a hi. Ziagual lawm ah ama â dingah insung mite kipiakna zia ah chun zillai chun a insung mite â dingah ginum in, a zilna chu a lawtinpi a, *result* pha tak a mu theina dingah ginum takah, theitawp sua ah pan a lak ding chu a mawpuakna a hi.

5. Lawtinna **dingin** **Tupgilna a pawimaw'i**

North East tribal te lakah mi suan um, Central Service ah na lian leh za um tak tak sêm dingah lawtingte lak ahin insung khawsak haksa tak apat hung seilian hi mi bangzat ahem a um ua. Mi khenkhat chu thingtang khua ahpat hung zildaw

a hiu a, insung chaga tak, Lo bawl ah kivâk, nisin ah kilaw kawm sek, gentheina leh haksatna huaisia tak tak hung palthenge a hi deu sek u'i. Amau khua ah zil theina ding a umlo ziaakah mi In ah, kilaw kawm ah hung khawsa, genthei ma ma te a hiu a. A nêk ding uh hi henla, nik leh puan, zilna *fee* te haw zosia hitaleh, zillai hi zing pum ah a kilawdawk uh, haksak takah hung zilzo te a hiu. Ziagual ah chun tup kichian tak nei in a zil ua, haksat leh genthei tam tak thuak in a zilna' u a mualsua u'i. A tupgil ma ma ziang ua, Pathian malzawl tâk dingin a pang ua, a hung lawting tau a, na thupi leh za um tak takte a hung sem thei tau a hi.

Tulai ah zillaite hin le tupgilna tak i nei uh a pawimaw takzet hi. Mun chuam ah um dingah i umna khua leh insung nusia theilo, lungthim dêngdel, lunghel thuak theilo talua te hi a lawting ngai pua' u hi. Mi lawtingte chun zia haw hi a thuak mualsua vek sek u'i. A hun lai in thawk haksa ma ma

tau in! Lungnatna hun a bei masia, hun chomkhat vakisêl mang tau in..."(Isai 26:20)

Khawvel mun chuam chuam ah natpi haw hi a la tung sek maleh a bîk in ei North East India gam te hi I la suakcha vanglak sek ui, I phat lou siat uhi taw! I Bible in siatna a mite chung ah tung ding a gen te haw hi I et le, natpi/ hipi ahung kithial zaw tak leh le kial leh châk in a zui sak a, chun gal leh sa maitua zawm ding in a gen nalai hi. Zia hi Pathian thu pawt a hi. Pathian in ei lungsiat a, zia natpi hi a hung kithial sak zaw vak inle, I masang ua pel lou ah I masawm ding uh chu nek le châk ah haksat na, insung khawsak lam ah kiakniam na, sum le pai ah buaina, nek le dawn, sil le chen tiang ah pangai gual a umthei lona hung um intin, taksa lam ah khawtang nunsiat nan le hun zui zawm nalai ding a hi. Thagau lam ah ki bulphu te'n vang zia siatna hi Pathian nai zawk diak na'n mang phachuam zaw diak in au.

A bîk tak in, ei Thingtangmi Khristian ki ti te hi , khawtang siatna taw kisai a, Bible in ei gen dan hi dik in ka mu'i. "Thil phalo phasa' , a pha phalo sa te, a vakna ding thimsak ah, a thimna ding vaksak sek ah, a thum ding khâtsak ah, a kha ding thumsakte haw, la chung uh a gik hi! Nanghaw pil kisa, hethiam kisate haw, la chung uh a gik hi " (Isai 5:20 leh 21) a ti gual in, Pathian thu hi I he' u a, I ngaitha' u a, mah le I sem dok pei puau hi. I hêt te hi eima mimal chiat in I hin pi ngei ding a hi. Mimal hinkhua chiat leh Insung, khawtang leh kochuam ah , a poimaw pen leh I ngaikhawkpen (Prioritize) ding chu, Pathian lau na, ginum leh diktak ah thilbawl, Pathian tawh kiton dân thiam te hi a hi. Zia chu Lalpa'n ei kona le a hia, khawvel nat le sat, haksatna pumpel na a hia, thamuanna, bitna, chamna, kipakna le a hi.

Zia hipi / natpi hung um masang (pre-COVID -19) leh a hung kithial nung

(post - COVID – 19) hun hi hung kibang thei ta lo mawng mawng ding a hi. I nisin hinkhuau a, taksa lam ah I hindan pângai teu, nek leh châk I hawl ding dân teu, sum le pai dinmun lam ah te leh thagau lam tiang ale Pathian I biak dân a le danglam na hung um ding a hi. Ziakiachun, ama sepkoltu dia ei guat leh kona gual ah hinkhua mang thei dingin, zia thiltung apat hin mimal, inkuan, khawtang leh kochuam ah Spiritual Revival I nei leh I chan thei uh chun mi vangpha hiding ihu. Zia dungzui ah sem dok tu I hi'u chun, siatna leh lungdawna lak apat ei hukdok intin, kialpi tung leh le, tai leh va in um hitin, thina limguam thimpen le paltheng thei ta'i tiu.

“...I biak uh Pathian chu khawvel Siampa leh a sung ah um zosia Siampa, lei leh van Lalpa, thi thei zosia kiang ah hinna, hiattheina leh thil zosia petu a hi. Ama chu I lau zâwk ding uh hilo ahem?... Ama la eimau a

kipat gamla lo cha umzing ahi ngâl a...” (Nasepte 17:24 – 27). Thuthunglui hun lai in, Pathian in a mi Israelte a vei zia in, Aigupta apat ah puidok ding in a suak Mosi a sawl hi. Ziagual ma achun, thuthungthak hun inle, Pathian in Jentelte a vei zia in sawlchak Paul têt in a la sawl hi. Lalpa'n a mite ei vei zia leh, I manthai ding uh a dawilo zia ah, ama lam ah kingainiam ah, I lungheina ding uh leh ei zilgaina ding a, zia natna hi a hun sawl hiding a hi.

Hepina zia liao liao ah hukdam i hita, a thawn ah ei tatna hi hepina a hi. Ziakiachun, I Lalpa Jesu Krista min leh I Pathian Thagau ah chun silthian, hi thiantho leh thiamchang I hi tau hi. Ei hepina zia ah Pathian cha eisak a hi tai. Pathian thu lo in I chung un bangma tunglo ding a hi ti mi'n a het uh chun zia chu thamuanna leh chawldamna a hi. Job 5:7 a chun “... mihingte hi le a buai ding mawng ah piang a hiu...” a

3. Thiam zilna leh Taimatna

Khristiante chu eima nâ chiat ah taima dingin Bible in ei hil hi (1Tim.4:15). Mi lawtingtehi amau nasepna *line* chiat ah, taima takah sênte a hi sek u'i. Thiam zilna lamah le mi thabei â dingah chun lawting dingah kinepna a um thei him him pua'i. Sawlchak Paul chun, “Eimau mite khan le ga sualo ah a um lona ding un, thil mamawte semdawk dingin nasep pha sep dan zil sakin” tiin Tital a hil hi (Tita 3:14). Aizawl Theological College Hostel ah ka umlai ah ka hotute ei la hil sek dan chu, “Khristian chu a thâtbei ding a hi pua'i, Khristian chu a kilim in, a thiangtho zing ding a hi” ti a hi tawpmai hi. Zilna ah mi thabei â dingah lawtinna pha um theilo a hi zia kin taimat sua zing dingin ei la hil hil ziang sek u'i. *Result* puandaw ding kuan ah pan ha lâk ah lâk chun umzia a nei pua, a tîl ah kipat taima takah panlakna chun vâng lawtinna kipak um tak a tun sek hi. Insung haksa tak apat hung seilian hi'n, insung khawsa thei takah kipat hung

seilian hi ziang leuhin le lawtinna leh lawsapna chun kuama dawisak chuam a nei ngai pua'i. Taima tak ah pang tûn tûnte chun lawtinna dawî um tak a chang sek ua, a kithâdâ te chu a lawsam sek u'i. Ziakiachun, lawtinna hi mi taima te â a hi sek hi. Solomon in, “Mi gunchu thil guanggal chun kiningtinna lam a zuan in, ahî'n kin leh mawl ah thilbawl chun tâksapna lam ngen a zuan sek hi” (Thupil 21:5) a la ti hi a dik ma ma hi.

4. Lawtinna dingin ginum a pawimaw'i

Ginumna hi Khristian kiziltîlnate lakah pawimaw ma ma pakhat a hi. Sawlchak Paul in thagau ga pasagi a gente lakah khan le a pang hi (Galatia 5:22). Ziakiachun, Pathian leh i mihing chanpité mâ ah i ginum uh a ngâi hi. Mimal hinkhua ah hi henla, nasepna leh zilna lam hitaleh, mi a ginumlo chun lawtinna dawî um tak chan theina dingah kinepna ding a um pua'i. Insung mite'n zilna lamah a hung lawtinna ding chu ngâklel takin a thîl ua;

THIAM ZILNA LEH KHRISTIAN HINKHUA

*Rev. R. Lalhmingsanga
Administrative Secretary*

1. Thumapui

Kum 2019 MPCs Manipur Area CKKP Vaihawm Kikhawp chun Khanglaite zil ding **Thiam Zilna leh Khristian Hinkhua** ti booklet siam dingah malâk hi hen a tia. Zia thupukna chu bawzui in, Central Committee 61:IV(1) chun thupi chuam chuam a teldawk a; zia thupite lakah chu pakhat zia ve dingah guat ka hi zia kin ka kipak ma ma hi. Zia chu a hi zing lai in, ka kisit ma ma bawk hi. Himaleh, khanglaite lam dik ah pui zelna ding leh kiziltilna lamah malâk pawimaw ka sak bêk zia kin theitawp sua in ka hung zia ta a hi.

2. Khristian Hinkhua

Aeorplane chu pilot in a hêk sek a, pilot in a control-na lam lam in a chia sek hi. Ziagual deu ah chun Jesu Khrista neitu – Khristiante chu a sunggil un Jesu'n lalna leh thuneina a chang a, a pilot uh chu Jesu a hia, Jesu control gual gual in a um sek u'i. Jesu dawigual in thu a gên ua, Jesu dawi dan in na a sêm ua, Jesu dawigual in a kichei ua, Jesu'n a dawina mun in a um sek ua, Jesu dawidan sukpitin ding chu a tup pen ua, hiat leh thiam bê dingah a dawite'u chule Jesu dawi dan tawh kituak ding in a ngaitua sek ua, Pathian in hunpha a piakte lul dan a hia'u a, a phachuam thei ding pen in a mang sek u'i. Tulai ah hin dan chuam chuam hung um thakte haw hin a subuai pua, Pathian thu-in a dingdet chawt ua, Sawlchak Paul in Timothi a la hilna gual ah khan a hinkhua pumpi'u chu Pathian ngai ah pha a hi theina ding in phatchuam a ngai ma ma sek u'i. "Pathian pawm tâk hi ding in... nangma kipe ding in theitawp in kizil in" (2Tim.2:15). Ziagual hinkhua chu Khristian hinkhua kiti sek chu a hi. Zilna lam ah hi henla, nasepna chi chuam chuamte ah hitaleh, a kithâdâ ngai pu'a u a, taimat a sua zing ua, lawtinna le a chang ngei ngei sek uh a hi.

tia. Chuti a hileh, zia buaina I tuakteu hi Lalpa'n ama hiatzawk diak na ding leh nai zawk diak na ding ah I thagau lam ann ding a ei guat piak hi ngei in a. Ut leh utlo thu hilou in, a thu dungzui in a buai ding ah piang I hi. Zia haksatna hung tung hi Pa'n chate a hepi a, a zilgai sek gual in, Lalpa'n ei hepina zia kin in a zilgaina leh thununna a hi. Phuba lakna a hi ngai ngai puai. Hebrai 12:5 & 6 "...ka chapa, Lalpa thununna chu ngainep kinla...Lalpa'n a hepita chu a thunun sek in, cha a lop tapo chu a vaw sek salo la hem..." ti a hi.

A tawpna ding in, Lalpa Pathian in, I buailai leh I lungzin hun lai ma hin, I hinna a sukha ut sek hi. Ziakiakachun, a tung nailo, kinapna hing, I chanding zia kin ah I siatna ding hilo in I phatna ding ua Lalpa'n a lemguat hi maithei a hi. Chutia I lâk theichun, zia thimnuai ah hî leng leh siatna leh haksatna kâl in thamuanna, bitna leh malzawlina chang zawi tiu. Ei uh hi Pathian lungnatna

thuak ding hilo in I Lalpa Jesu Krista zia kin ah hukdamna mu ding in ei guat a hi zaw ngal a. Coronavirus Disease (COVID – 19) bep lo le, zia sang a huaise zaw tamtak le hung tung nalai ngei intin, kialpi, do leh gâl te, lînlîng te leh a dang dang tamtak le hung um nalai in a. Ei khang bep hilo in, Second Coming a um nailo chun, I chate leh tute khang inle hung um nalai in a. Ei gingtute I vangphat dan uh chu Lalpa'n Ephesate 1:4 ah a gen gual in "...Leichung pian masang ah thiangtho leh dem umlo ding ah ei la têt tâk gual in.." ti a hi. Zia natna hileng I mu theilo leh I mu khamlo hi, gingtu leh ginglotu khenchuam lo in khawvel pumpi in a buai pi a hung hi tai. Gingtute Lalpa'n a lungsiatna hun ei belap piak nâk lai chun I bitna ding uh chu Ama bep hi a hi.

Lalpa'n simtute zosia phatchuampi ding in hun malzawl ta hen.

I GINNAU SIAMPA LEH SUBUKIMPA LAM CHU ENZING HITIU

(Hebraite 12:7, Sam 34:5 Nasepte 8:55-56)

-Rev. Laltingen

Thumapui: Jesu mut'e'n a kipak ziau thu in a gen seng puau. Jesu muten a ging sek ui. Jesu la mel tak ka mu phat leh kipakna sang in a. Unau Jesu lam en zing hit'u.

1) Jesu lam et chu Hukdamna a hi: Zakai in Jesu a kimupi a, kumtuang hinna a chang hi (Luke 19:9). Lalpa Jesu muten hukdampa a hina a gingcha ngal sek u'i.

2) Jesu lam etchu gitlo kimudawna pha pen a hi: Sawlchak Paul in Jesu Khrista chu migilote hukdam ding in a hung hi ti taksan um le pawm tak a hi. A lakua gilo chungnung chu keima hi ka hi a ti'I (1Tim. 1:15)

3) Lalpa Jesu etchu gal zawna a hi: David in Lalpa Pathian a en a, Goliath milian tak mai chu bangma lo mai in ami'u. Goliath chun ama leh ama a kien ah, David a etleh a

simmaw ma ma hi. David in Pathian a en zing ah Goliath a zo tai (1 Samuel 7:45-46). Stephen chu Juda ten suang ah a selai um suang ah septe enloin in chunglam a en ah, van kihawng a mu, Pathian changlam ah Jesu ding a mu'i. Haksat hun laiin khawilam la en sek em? Stephen in vang Jesu a enzing hi (Nasepte 7:55-56). Eiun le I ginnau siampa leh subukimpa Jesu lam enzing hitiu.

4) Puitute leh Hotuten Jesu lam etlo a khawk dan: Mosia'n Kanan gan entha ding ah a sawl mi 12 te khan Kanan gam ah a thil mu'u a kibang suak hi. Himaleh a hung kile phatun Mosi kiang

MEMBER-TE MIN

Sl. No	MIN	BRANCH	BIAL
1.	Kim Rosni	Jubilee	D.Phailian
2.	Tingneikim	Jubilee	D.Phailian
3.	Kimlemting	Bible Hill	D.Phailian
4.	Niangneisiam	Jubilee	D.Phailian
5.	K.Rebecca	Lamka	Lamka
6.	Kimmary	Nazareth	Lamka
7.	Chinbiaknei	Lingsiphai	Mata
8.	Tinglalbiak	Mata Vengpi	Mata
9.	Hoilemkim	Pengjang	S. Kotlian
10.	Kimnunnem	S.Kotlian	S.Kotlian
11.	Tinglalchoilian	Kangvai	Kangvai
12.	Tinghoisiam	Canal Veng	Mata
13.	Lamzalal	Canal Veng	Mata
14.	Paukhozam	Mata Vengpi	Mata
15.	Thangmalsawm	Torbung	Kangvai
16.	Sutlianlal	S.Kotlian	S.Kotlian
17.	Lalginlian	K.Kotlian	Kangvai
18.	Amos Bellallian	Mualngat	Kangvai
19.	Henlaljoy	New Lamka	New Lamka
20.	Lallemsang	Gangpimual	New Lamka
21.	S. Paukhanlal	Jubilee	D.Phailian
22.	Lianmuanthang	Bible Hill	D.Phailian
23.	Tingolal	H.Town	Lamka
24.	Zamthiankham	H.Town	Lamka

Convener : *Tv. Lamboi, K Kawtlian Branch, Kangvai Pastor Bial*

Conductor : *Pu SL Robert New Lamka Branch, New Lamka Pastor Bial*

piak tau hi. Ka kipak ma ma ziang ua, zia chu kikhawpna Biakin ah simlem in, tutiang ahin kikhawpna mat a hi tai.

Happy Valley Kochuam Tulaitak Dinmun:

Kochuam din mun a khanto leh a khanto lo het bailamna pen chu thawlawm din mun hih ahi deu sek a, tu Lockdown sung, April – July 2020 sung ah thawlawm dinmun chu zia gual hih ahi. Synod ah submit zat Rs. 11,47,595.00 Tualsung ah lut zat Rs. 4,89,115.00 A kigawm Rs. 16,36,710.00. March tha tawp lam ah pat kikhawpna um thei ta lo ahi zia in, kikhawpna thawlawm kidawl sekte leh a neuh neuh ah mu'na te pang ta lo a hi. Kochuam mi zat a hileh Dan

zokim 275 Mi zat 369 In zat 73 ahi.

Biakin sak gua: Biakin sa ding ah ka kisingsaknau hi kum 5 lam ahi ta, tukum chu pat tak ding ti in blueprint ka siam ua, permit ka dawt uh leh Lockdown hin ei hun pha ta, tuchan ahin bangma ngaitua zawm thei lo in a um ta ahi. Biakin hi sakdaw a hi ngei theina ding in, ei hun pauchappi ding in ka hun chial hi. Happy Valley Presbyterian Kochuam hi Synod in chia ding dan tangpi a titeu zui in, thawlawm lam leh kikhawpna chia dante masawn tak in a khangto zel hi.

Lalpa'n bangkim in ma ei pui piak zel ta hen.

LATNA PROGRAMME LAWTING TAK AH MAT ZAW A HI

Date 7/8/2020 Manipur Area Choir 2020 -2022 Term thak a member ding latna chu lawting tak ah Manipur Area Office Thangkai & Lungpau Conference Hall ah mat zaw a hi tai. Member thakte Tilkhona thu Rev. R. Lalhmingsanga, AS in a gen ah, Pathian khut ah latna leh pauchap piakna Rev. S. Lama Vaiphei Coordinator in a mang hi. Member thakte min chu a nuai ah gual khu a hi.

ah agen uh a kibang tapuai. Palai 10 te chun a gam a cheng te chu a lian thei ma mau ah, a mang ua chun Khaubepi bang bep ka hui (Kisimnabu 13:33). Himaleh, Nun chapa Joshua leh Jephunia chapa Kaleb ten vang Kana gam ah chengte enloin Pathian a en ua, Kanan gan ah chengte neu a sua a, Pathian a lungdam leh I anchak ding bep uh a hui (Kisimma 14:9). Palai 10 ten amau leh amau a kien ua, Kanan gam mite a et uh leh lian a sua hi. Himaleh Joshua leh Kaleb invang amau leh amau kien loin Pathian a en ua, Kanan gan ah chengte a etua leh neu a sau ah. Kaleb in "Tu ma ma hin kuantu ngal hitiu" a ti hial hi (Kisimnabu 13:30). Puituten Pathian a etlo zia kun Kum 40 sung vakvaina a tung hi. Aigupta gan ah pat hung pawtte Joshua leh Kaleb tilo ngal a thi suak tau hi (Kisimnabubu 14:16) Jesu nungzuiten dil a a kitawl laiun tyifawn a etua leh a lau ma mau ah, Jesu lawng meilam ah um a mu

phatun a lungmuang tau hi (Matthai 8:24-25). Gam enthatute mi 10 lamin la pang em? Ahilole^{3h}, Joshua tawh Kaleb gaulin Pathian lam la en zing em?

Ama (Pathian) a enun a hung vak tau hi, tichun zachakna mel put a puanlau (Sam 34:6). Eihaw vang I khawsaknau chu van a hi. Zia kipat chun Lalpa Jesu Khrista hukdampa ila ngak zing ui. Ama chun bangkim a thunuaia a umsak thei zia kin... hun siam danglam in a (Phil. 3:20-21)

Simtute zosia Lalpa Jesu lam enzing thei dingin Pathian in hun malzawl ta hen. Amen.

SUN AHI PET AH LALPA NASEP

(Johan 9:4)

-Rev. Thangtinlal
i/c Jiribam Pastorate

Tulai khawvel natna hipi ziak in kochuam mipi Biakin i kikhawp theilo nau le a sawtthim ta khawp mai ah. i lung u le hel in i thau le sia hial tading in ginchak a um hi. i hiat tak sau gual in khawvel hi a buai lo na gam him him aum ta pua. Gam changkang taphawt a buai diak ahi diam u tithei khawpin a buai ua. Chanchinthak i et na zosia Covid-19 in mun alua tampen zing chu ahi. Zia gual chu ahi zing lai in ei gingtu te bangtin i um zel diam u tichu i ngaitua khawm ding chu ahi.

Khawvel pilna ngawlhuai :

Khawvel mihingte pilna sangtak dan i hiau ah. Ni, Tha, Aksi leh khawvel ah thil umte zil chian thei ding khawpa pilna leh thilhitheina nei gam changkang leh lopi atam tau ah. Gamdang te ngamlo ding leh laupen hiding tupin galvan akisiam siak/tet ua, aki chawksiak /tet ua, zia chu aki thamuanpiu ah, a kisanpi ma ma lai un , tulai natna hipi leng do dan vang, pil leh thilhithei kisa pen ten le angaina chu

ahe diak talo u a hi. i Kor 3:19 ah “*Khawvel pilna chu Pathian ngai in ngawlhuai taka hi*” ati gual in *Thugentu inle “Thil zosia hi bangma lo mai ahi*”. Mihing te hin pilna leh thilhitheina i nei phat le kichangkang sakna leh kilopi sakna’n i mang sek ah. Zia chun chapona gam ah ei puilut sek hi. Mahleh zia chapona chu Pathian ngai ah ngawlhuai mai ahi zia leh chapo pi kham ahi lo dan chu, Babel insang satute ngei khale athil hitheina ziak un

het ding kawm le a hun tia, kipak um ka sa ma ma hi. A hinla, dawi gual taka zik ding hileh sau talua ding ahia, a chawm thei pen in ka hun zik hi.

Happy Valley Kochuam

A hung kipat dan: Churachandpur district sung ah Zomi leh Kuki kikal in buaina lian tak ahug um ah, mi tam tak in thi’na tuak in khuate kihal in, mi tam tak bit thei theina ding hawl in a la gal tai uh ahi. Zia lai ah chun Shillong ahin mi bang zat ahem a la tailut ui. Ziate chun kikhawpna ding ziang le he lo in, kochuam bel thei thei bel in, kikhawp thei na na’n a la kikhawm ui. Zia hun lai ah chun, Missionary nasepna anngawl ah pauchap pawl Jeremia Prayer Team (JPT) ah ala pang sek te chun, a inlua nau mun khat khat ah chia khawm in pauchapna ahun mang ua, I Khawmpi vaihawmtute hetpi in, September 20, 1998 in kochuam a hun phudawk pan tau hi. Tichun, mi in lua in kikhawpna chu mat pat ahung hi tai. Mi in lua ah

kikhawpna bangchan ahem mat nung un, June 26, 2005 in Longrange pang ah in mun chawk daw ahi. Biak in sak pat ahia, a permit lam a buai ziak in, sa zawm thei lo in a ki um kit hi.

Hun chia zel in, Shillong Pastor bial chu bial ni ah khen a hung hia, January 17, 2009 in Madanrting pastor bial hawn ahung hia, khua 4 bial khat ah siam in bial khen thak ahung hi tai. Happy Valley Presbyterian kochuam chu Madanrting Pastor bial huap sung a hung hi tai. Presbytery ahileh Zoram Pawn Presbytery a hi. Happy Valley Presbyterian Kochuam chu Madanrting Pastor bial ah chun a mi tam lam ah pani’na ahia, Biakin mun kichaw Longrange lui pang chin hih sepaiten meithal a kap sek nau tawh akinai tak luat ziak in, a lemchang zaw chawk ding Synod in ei hun phal piak ua, H.L. Mizo High School Compound sung ah Pu Laldingliana in chu lemchang tak in, October 25, 2010 in Synod in nuai 50 in ei chawk

7. **Biakin thak hawng** A chiata July 05, 2020 Pathianni khan Imphal Pastor Bial ah P. Thianzawl Kochuam Biakin chu Rev. Thangneipau Bialtu Pastor in a hawnga, Upa D. Siaklam Moderator Phaipi Presbytery in Kochuam piting in a langkai hi.

8. Text Book Cell

Manipur Area Text Book Cell Joint Presbytery in a la guat dungzuiin Dt. 26th June, 2020 a khan Meeting nei a hia, Nilai Thupi Ziktu ding leh Sunday School Zillai Lettu dingin zia nuai ah te hi guta a hiu:

2021 Thupi : Presbyterianism
Ziktu : Rev. S. Khaikholam Vaiphei

2022 Thupi : John Calvin zilsakna leh Presbyterain Kochuam
Ziktu ding : Rev. Malakia Lalnunfela

2023 Thupi : Khristian Hindan Pha
Ziktu ding : Rev. Thanglianlal

2024 Thupi : Khristian Sungkuan
Ziktu ding : Rev. S. Lama Vaiphei

2021 Sunday School Zillai lettu ding guatna zia gual hin nei abi:

- | | |
|--------------------------------------|-----------------------------|
| 1. Rev. S. Lama Vaiphei, Coordinator | 3. Rev. Thanglianlal |
| 2. Rev. K Neihzial | 5. Pro-Pastor Khuplemlal |
| 4. Pro-Pastor Siamlaron | 7. Pro-Pastor H. Lamthamuan |
| 6. Pro-Pastor Lallunglian | 9. Upa Nengsuanthang |
| 8. Pro-Pastor T. Lalgin Vaiphei | 11. Upa Lalminsang |
| 10. Upa Lalthuoisang | |
| 12. T/Upa Dr. Soilalsiam | |

Gampam...

**HAPPY VALLEY PRESBYTERIAN KOCHUAM
CHANCHIN CHAWMKIM:**

*-Rev. H. Paukhawkai
Happy valley, shillong*

Hinna Vak Editor, Coordinator in Happy Valley Kochuam chanchin chawmkim zik din ei hun gena, pauchapna

van sukha ding khawp insang sak atup lai ua, Pathian in apau mat u asukbuai piak akhan abuai zo vek ahiu kha. (Gen. 11)

Covid-19 Phat chuam pih den hiti'u :

Biakin kikhawp theilona hial khawp hipi a hung len ahin sungkuan ah Pathian ala ko ngailo ten i ko khawlawu ah, Pauchap tamlo te Ipauchap tam khawlawu ah, kipak um tak ahi. Hinlah zia natna hi leng a hung bei phatle i pauchap thawm giu hile a hung bei/thip ziang kha diam ti a lau um hi. Peter in "Lalpa zia pa saw la, bang ti ding maw? a tia Jesu'n, nang in ei zui ziang in" (Job. 21:21-22), a ti gual in, midangte hindan ahem, umdan ahem, bawldan ahem in kite lo in, zia natna hileng hi abei phat leh le i pauchap thawm giu hi thip sak ziang lo in, i lungkham lai a i ko ua eipanpi tu i Lalpa'u chu i lungkham lo hun ua le i kipakna thawm

gi'u hi git zing sak thei ding in kisukhat zing a pawimaw hi.

Hun pha Lalpa a di'n :

Biakin khak ahi til khan mitam tak i lungawilo khawpmai ua, kikhawp thanuam talua lo te lungthim tiang le ana pha ve ahi kha, hinla i ngaitua ding ua pha chu Biakin khak a hi ziak ah i lungthim uh i natsak sang ua khan, Biakin khak ahi ma ah kikhawpna hun lemchang tam tak i la kikhawplo sek u kha, i lungthim u sunatu hisak zawleu hin kiphatchuampi zaw ding a hi.

Pathian hepi na zal a hun hungchia zel intin , biakin hawle hawnni hung um intin zia phat chuleh kochuam mite haw biakin ah Pathian chawihawi khawm a, Pathian bia khawma, kikhawp kim dial dial hi a ngakla um mama ta a hi. Zia gual ding khawp chun i biakin khak ua pat hin i lungthim ua, ga pha hung neisak henla, i lungthim

siamthak a ei danglam sak leh a nawp um khawpmai hi.

Gamdang chanchin i hetsa gual un, munkhenkhat ah gari tai umsun te chu mithiluang pua ahi vek mai diam tithei ding khawp ahi ta, nasemte le mithikuang chau siam ahi tadiam uh tithei ding khawpin aum tau. *Heb. 9:27* ah “*Mihing a ding ah khatvei thi guatsa a hi*” ti ahi dungzui in nisin, hunsin ahin, mihing te hi thi masawn in queue a ding gual i hui ah. Etsakna'n Hospital, bank, office i chia phat leh queue a i dingsek ah, aban aban ah i kitawl a i nai deu deu a, eihun ahungtunsek gual in, thina hile aban aban ah kitawl i nai deu deu u chu ahimai hi. i hun a hungtun nading i masasang ah mibangzat um n alai ahem ti i he pua, i hun vang chu hung tung ngei ding ahi. Zia ziak achun hunpha Lalpa hepi nazal ah i nei pet chau hin, mani hinkhua, sungkuan thagau lam hinkhua siamphat

ngait'e'n siamphat mat gua tei leu hin a nawp um hi.

Hun sawttak i thei kham kham ua, Lalpa nasepna'n thawlawm i thaw veu a, biakin i kikhawm ua, kochuam thil akul leh pawimaw in i pang ua, bawl hawi leh semhawi le i kisa ve tho sek ua, zia chu hun sa ah i dawi khawp mai khak ding u a lau um hi. Lalpan hun lemchang ei siam piak kit ahi chun nasa zaw diiak a i sep theina ding un tuhun hi mani pindan sung ah lut ah, kuama mulo na a, aguk a ei la musekpa i Lalpa'u a chun, mani kisui chian ah kisu hatthak ah, zia natna hipi a bei phat leh nasa zawdiak ah i septhei na ding ua hun masa ah i sepphat leh i bawlphat teu kisanpi lo in, zia hun hi mani kisui chian na mat a pawimaw hi. i changtel tel ua “**Sun ahi pet cha hin eisawlpa na kasep ding ahi**” ati gual in i khawvel damlaini atum ma hin thei tawp a Lalpa na semdin i kichial hi.

KOCHUAM HUANG AUGUST 2020

1. **Bial kikhawmpi** July 23, 2020 ni khan OM thupukna dungzui in Area sung ah Pastor Bial tam zaw ten Bial Kikhawmpi 2020 chu mipi Pathian biakna pang loin lawkleh felt akin a mang zo tau. Lockdown khau zawkna te New Lambulane Pastor Bial leh Sugnu Pastor Bial ten vang a mang thei nai puau hi. A mau inle a lem chang masa pen ah ahung matthei uh I dawisak hi.
2. **Kochuam Upa WhatsApp Group** Manipur Area sung huapah Kochuam Upa te thu ki hiattua thei na ding in *TANGPHAI KOCHUAM UPA* Group siam daw ahia, thu pawimaw ki hiattuaana lem chang taka hi. A pang nailo ten Admin pu Upa Lalminsang phone no. 7005343827/80014391626 ah ki report thei ahi.
3. **Manipur Area Choir thak** August 07, 2020 ni khan Thangkai & Lungpau Hall, Manipur Area Office ah Manipur Area Choir (MAC) 2020-2022 kikal ah ding latna programme mat ahi. Rev. C. Lalrinliana Leader CKKP in a kaihuai a, Rev. R. Lalmingsanga A/S in tilkhona thucha a gen zawin Rev. S. Lama Vaiphei Coordinator in latna anei hi.
4. **Staff Quarters lua** Office Building kiang ah Staff Quarters ding ah kisa chu zawfel ahi tak tawh kitawn in Office Driver leh Chowkider in a sawng nuai alua ua, a sawng chung hi ES nei masang a dingin Rev. S. Lama Vaiphei Coordinator leh Rev. Hesei Vaiphei luasak ahui.
5. **Office Building Rawng nu thak** Office building a siat nasat diakna te belpha in rawng nu thak ahia, a mai ah dropping point ding siam belap ahi bawh hi.
6. **YouTube ah nasepna** Pathian in YouTube ah i nasep nau hi mal asawm ah hiat ahi ziakin, thei dan dan ah sutzawp zel ding ah guanggal ahia, programme khenkhat belap ahi. Nilai zan ahin Nilai thupi ziaktu Rev. K. Neihzial in thupi khaikhawm in tin, Ningani zan hi Gihawi zan ti hin tin, Pathianni zingkal Sunday School Zillai hi Rev. Khaisonthang leh Rev Lalpiaklian Mth. Zillai ten a umthei sung uh ei khaikhawm piak sek ding uh ahi. Chuleh September tha ahin biakin kikhawpna aum thei nai diaklo ahi chun, Beigual/Crusade programme ah mat ding ti ahi nalai hi.

Abednego te gual ah Lalpa a ding ah chan ngam ding mi a hawl a, Naupang in a nei zosia a piak zal ah mipi 5000 vakva ahi gual akhan midangte nek ding ah anei zosia pedawk ngam a hawl ahi.

Numei posal khenchuum umloin, i kum leh tha, i hisel leh hisello, i melhawi leh hoilo, i thiamthei leh thiam theilo thu bangma gen umloin, Lalpa a ding a i ginum ah i kipiak phawt chun Lalpan thil lopi tak eimau mang in ei bawl sak thei ahi.

Tulai thil umzia ti thumal hin Covid 19 (Coronavirus) hi mi tamzaw lungthim in a lang mai thei hi. Ka ngaitua ah zia natna vei ding dan i ngaitua leh HIV/AIDS vei chu thil lauum bekset a hi ta puai. Wuhan khawpi lam um ding dan la ngaitua kha em? A natna vei lai te dinmun, a insung mite dinmun bep ahi ta puai. zia natna vei kha

keilo insung le um ngei in au. Maleh zia mite chule anchang hung tasam in tin, gas hung ki chai in tin, nisin bazar ah me chaw kuan bang ngai intin, pém thei la hi talo. Wuhan khawpi gen taklo China mi hi nasan le khawvel etdawng ahi tau hi.

Tulai thil umzia i hiat ua chun imut hun ahi ta puai, khatlaw hun ahi tai. I khatlaw ding dan uh chu khua hungvak leh bangkim kikhel mai ding ahi tai. Kristian khanglai thilpha bawl ding ah hukdam te haw hun chomcha inei sung ua hin kisiak hi tiu in, Lalpa â dingin bang ka bawl thei diam ti ki ngaitua hi tiu.

Khanglai te thucha

“TULAI THIL UMZIA (SIGNS OF THE TIMES)”

Romans 13:11-14

Thuthunglui hunlai ah Zawlnei te chu a hunlai ua thil umzia hichian tu te ahiu. Thuthungthak ah Lalpa Jesu nungzui ten le abuaipi pen uh chu ahunlai ua thubuai Jesu hi Messiah ahi em, ama leh ama ki bawl kawm ahem tileh banggual ah chia zel ding ti thil umzia a hilchian ua, a hinpi ua a thipi baw k ui.

Tulai gingtute hinle i kituak ma ma in zia thu hi a hunlai thil umzia ngaisaklo ah khawsak mai thei ding chi ei puai. Lalpa Jesun le nang un khaw um dan ding la genlawk thei sek uh hilo ahem atia, tuvang ahin chu khawsiat khawphat ding nasan le i genlawk thei ta puau hi.

1. Paul hunlai khawvel:

Rome Lekhathawt ziaktu in a gen nawp pen chu a hunlai ah thiltung leh Lalpa Jesu hungkit na ding a ki zawp mat na thu te a hi. Lalpa Jesun ka hung na ding a nai takleh ziagual thil te hi hung tung ding ahi a ti te kha tawh

sermon ahi.

2. Kum 2019 hunlai ah thil umzia hi vak en vak tiam hi tiu:

(a) **Khawvel kivaihawmna lam ah:** India gam sakhaw zalenna gam (Secular state) ti ah ila gen sek uh kha tu hin “Hindustan” suaksak ding in miten theitawp a sua zing ui. Synod in lekhabu neu “*India Rama Kristiante Tihduhdahma leh Nek chepna hluar zel chungchang*” ti inkuan tin simthei ding ah a hung hawm uh kha khenkhat in i sim uh ginchak aum hi. Nidang sangin i gamsung ahin

Kristian himai hile haksatna ei tutu hi thei dinmun in i ding zing ui.

(b) **Kochuam Pawl chuam chuam lam:** Kochuam Pawl chuam chuam te lak ahin le mani umna pawl bep buaipi ah Kochuam in atup Krista Lalgam suklet zel ding ngaitua pha talo in, Pathian thagau pawlna panglo ah kochuam chia muthei ding a tam deu deu hi.

(c) **Gamsung khantona lam:** I matlai hun uhin khantona lam a chun a vawrtawp ei tunpi to zel hin a lang ah, Information & technology leh media lam ah i khanto dan uhi gendan bailam tak a chun, eimau hina hi i khanto nau in ei khankhel kha, mangthiam taloin i buai zo tau ahi.

(d) **Khawtang hinkhua:** Khawtang hinkhua hi i etleh beidawn na ding ngawn cha a

suak gam tai. Thilpha chu a phalo ti ah a phalo chu a pha ti angai sek hi. *“Thutak chu kawtzing lak in a puk a”* ti la i sak sek ukhan a gen nawp chu i khawtang hinkhaw dik tâklo ziau hi a hi.

3. I zildawk thei uh chu

Khanglai panga (5) amau hunlai chiat ah thil thupi tak tak bawl te a pat hin ala kizil hi tiu.

(a) David & Goliath: David kha kum 17 vel mi ahi in, min Lalpa Pathian min a gensiat uh kha a ngaithei lo ahi. Zia zektanlo mi phiangsan hin maw ka Lalpa sepaite a musit tiin a kipan a, Philistian mihatpa chu a va that tai.

(b) Joseph & Potiphar zi: Joseph hi kum 20 vel ahi in, David gual ah hangsan tak ah melma do bep hiloin Potiphar zinu angsung buak lak apat in Lalpa min suang in

mualpho khawk saloin a taidawk ngam ahi.

(c) Naaman suaknumei naupang: Zia suak numei naupang hi a hunlai ahin Teenage hingeri ding ah ngai ahi. David gual a galdo dingin a tin pua, Joseph gual a thepna apat taimang ngai hial le a tuaklo ahi mai thei ah, maleh a Lalpa ah ginum tak leh hangsan takin Pathian bangkim hithei ahi zia a la sulang ahi.

(d) Danial & a gual te: Zia hunlai vel ahin amau lawi hi kum 15-30 kikal sung vel mi ahi ding uh ginchak ahi. Sakeibaknei huan ah a selut ua hin chu Danial kum 80 vel mi hi ta ding a ngai ahi kit hi. Zia khangdawng cha cha te hin lal ankuang ah ju leh sa nek ding a nawl ngam uhi thil lopi tak a bawl kit uh ahi. Gual leh pai te sang ale taksa hawilo zaw

hi ngam ah abawl nung un taksa hawi zaw in siam ahiu kha.

(e) Posal naupang khat: Ama hi naupang kum 10 apat a chunglam vel chu ahi ding ginchak aum hi. Jesun mipi 5000 a vak ding a khan Vaithum 5 leh Sanga 2 ala tuak daw k hi. I thilnei sun sun hi Lalpa i piak ngam chun Lalpan thil lopi tak bawl nan a mangcha thei ahi.

4. Thukhakna:

Tu hun i nei sung ua hi i kisiak lo ualeh, zan hi a bei vang vang ta, khawvak a umte van gual chu kivan hun ahi tai. Khua hungvak leh Lalpa a ding ah bangma bawl manlo in um khai tiu. Lalpan David gual ah Lalpa min suang ah kalsuan ngam a daw i a, Joseph gual ah dikna zia kha ah Lalpa mualpho pi ngam a daw i a, suak numei nu gual ah Lalpa chanchinpha hi zachakpi lo ah puang ngam a daw i a, Sadrak, Meshak leh